

"Dionice u vlasništvu Federacije iz člana 4. ovog Zakona ponuditi će se na prodaju pravnim licima u privatnom vlasništvu na način i u roku koji odredi Komisija, imajući u vidu dostignuti stepen razvoja tržišta kapitala."

Stav 2. mijenja se i glasi:

"U skladu sa stavom 1. ovog člana Komisija će pripremiti i usvojiti plan privatizacije Registra."

Član 4.

U članu 10. stav 2. mijenja se i glasi:

"Jednog člana Nadzornog odbora u prvom mandatu imenuje Komisija iz reda inozemnih stručnjaka."

Član 5.

Iza člana 12. dodaju se novi čl. 12a, 12b, 12c, 12.d i 12.e, koji glase:

"Član 12.a

Komisija nadzire rad i poslovanje Registra i primjenu propisa koji se odnose na rad i obavljanje poslova Registra.

Član 12.b

Komisija odabira statut i opće akte, uključujući njihove izmjene i dopune koje se odnose na pravila rada i poslovanja, internu kontrolu, tarife naknada i druga pravila obavljanja poslova iz nadležnosti Registra, kako bi se osiguralo njegovo poslovanje u skladu sa zakonom i drugim propisima, pravedan pristup uslugama Registra i sigurno i efikasno obavljanje poslova Registra.

Član 12.c

Komisija može propisati pravila koja je Registar obavezan primjenjivati, a koja se odnose na: vođenje evidencija, kapital, garancije poravnanja, distribuciju dividende, internu kontrolu, obaveze obavještanja Komisije i javnosti, nadzor od Komisije, postupanje po žalbama na rad Registra i druga pitanja koja se odnose na rad i obavljanje poslova Registra.

Član 12.d

Komisija daje prethodnu saglasnost na izbor direktora i zamjenika direktora Registra.

U slučajevima kada ustanovi da postoji odgovornost direktora ili zamjenika direktora Registra za kršenje zakona i drugih propisa, Komisija može predložiti Nadzornom odboru Registra njihovo smjenjivanje.

Član 12.e

U slučajevima kada ustanovi da postoji odgovornost ovlaštenih lica ili zaposlenika Registra za kršenje zakona i drugih propisa, Komisija može zahtijevati otklanjanje nezakonitosti i nepravilnosti ili naložiti odgovornom licu Registra da suspenduje sa posla ovlašteno lice ili zaposlenika do okončanja postupka pred nadležnim organima ili sudom."

Član 6.

Ovaj Zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući
Doma naroda
Parlamenta Federacije BiH
Slavko Matić, s. r.

Predsjedavajući
Predstavničkog doma
Parlamenta Federacije BiH
Muhamed Ibrahimović, s. r.

295

Na temelju članka IV B.7. a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O KOMISIJI ZA VRIJEDNOSNE PAPIRE

Prolašava se Zakon o izmjenama i dopunama Zakona o Komisiji za vrijednosne papire koji je donio Parlament Federacije BiH na sjednici Zastupničkog doma od 27. travnja

2004. godine i na sjednici Doma naroda od 19. svibnja 2004. godine.

Broj 01-542/04
7. lipnja 2004. godine
Sarajevo

Predsjednik
Niko Lozančić, v. r.

ZAKON

O IZMJENAMA I DOPUNAMA ZAKONA O KOMISIJI ZA VRIJEDNOSNE PAPIRE

Članak 1.

U Zakonu o Komisiji za vrijednosne papire ("Službene novine Federacije BiH", br. 39/98 i 36/99) u članku 2. dopisati nove st. 3., 4. i 5. koji glase:

"Komisija za svoj rad odgovara Parlamentu Federacije Bosne i Hercegovine (u daljnjem tekstu: Parlament Federacije).

Komisija podnosi Parlamentu Federacije na potvrdu godišnji financijski plan.

Uz godišnji financijski plan Komisija podnosi Parlamentu Federacije godišnje izvješće o radu za prethodnu godinu."

Članak 2.

U članku 5. stavak 6. briše se.

Članak 3.

U članku 6. riječi: "u prva dva mandata" zamjenjuju se riječima: "najmanje u jednom mandatu".

Članak 4.

U članku 7. dopisati novi stavak 2. koji glasi:

"Članovi Komisije, izuzev inozemnog stručnjaka, obavljaju svoje dužnosti, prava i obveze na temelju radnog odnosa na neodređeno vrijeme u Komisiji s punim radnim vremenom, sukladno zakonu koji regulira radni odnos."

Članak 5.

U članku 12. točka 1. na kraju teksta umjesto pravopisnog znaka točka-zarez upisati zarez i dopisati riječi: "te za obavljanje drugih njenih ovlasti i odgovorosti, na način i u roku koji odredi".

Točka 13. mijenja se i glasi:

"13) propisuje uvjete i postupak i izdaje dozvole za poslove profesionalnog posredovanja u prometu vrijednosnim papirima, te upozorava, obustavlja djelomično ili u cijelosti i ukida ove dozvole, ukoliko se profesionalno posredovanje u prometu vrijednosnim papirima obavlja suprotno zakonu i propisima Komisije;"

Iza stavka 1. dopisati novi stavak 2. koji glasi:

"Komisija može pokrenuti građanskopravne postupke radi poništenja pravnih poslova kojima se krše propisi iz područja tržišta kapitala i akata kojima se krše propisi o upravljanju dioničkim društvima."

Članak 6.

Članak 13. mijenja se i glasi:

"Komisija za provedbu ovlasti i odgovornosti, utvrđenih odredbama čl. 11. i 12. ovoga Zakona i odredbama drugih zakona, donosi opće akte (pravilnike, naputke, naredbe i odluke) i pojedinačne akte (rješenja i zaključke).

Na postupanje Komisije odgovarajuće se primjenjuju odredbe Zakona o upravnom postupku ("Službene novine Federacije BiH", br. 2/98 i 48/99), ako ovim Zakonom, zakonima kojima se uređuju nadležnosti Komisije i propisima Komisije nije drugačije određeno."

Članak 7.

Iza članka 14. dopisivati nove čl. od 14.a - 14.g koji glase:

"Članak 14.a

Nadzoru Komisije podliježu emitenti vrijednosnih papira, pravne i druge osobe ovlaštene za poslovanje s vrijednosnim papirima i osobe koje obavljaju druge poslove u svezi s vrijednosnim papirima, u svezi s emisijom i prometom vrijednosnim papirima, sukladno ovom i drugim zakonima, te pravne i druge osobe u svezi s primjenom standarda upravljanja dioničkim društvima (u daljnjem tekstu: subjekt nadzora).

Kod obavljanja nadzora nad subjektom nadzora, kojemu je Komisija izdala dozvolu na temelju zakona, može se obaviti i

nadzor osoba u svezi sa subjektom nadzora, ako je to potrebno radi potpunog nadzora poslovanja subjekta nadzora kojemu je Komisija izdala dozvolu.

Komisija, sukladno zakonu, posebnim propisom bliže uređuje način obavljanja nadzora.

Članak 14.b

U sklopu nadzora nad subjektom nadzora Komisija obavlja:

- uvid, pregled, provjeru i analizu obavijesti, izvješća i dokumentacije koju joj on dostavlja na temelju zakona i drugih propisa;
- pregled poslovanja i obavljanja djelatnosti u prostorijama subjekta nadzora (u daljnjem tekstu: nadzor poslovanja);
- druge ovlasti na temelju zakona i drugih propisa.

Ukoliko se nadzor obavlja po inicijativi pravnih ili fizičkih osoba, radi zaštite njihovih prava i interesa, Komisija je dužna, nakon okončanja nadzora, pisano ih obavjestiti o tome šta je poduzela.

Članak 14.c

Nadzor poslovanja kod subjekta nadzora, u okviru nadležnosti Komisije, obavljaju službene osobe Komisije, na temelju pisane ovlasti predsjednika Komisije za svaki nadzor posebno. Izuzetno, predsjednik Komisije može ovlastiti i druge osobe da, zajedno sa službenim osobama Komisije, obave nadzor kada je to potrebno zbog složenosti nadzora. Za obavljanje određenih stručnih poslova kod nadzora poslovanja subjekta nadzora (ekspertize, ispitivanja i sl.) predsjednik Komisije može ovlastiti i društvo, ustanovu ili druge osobe, ako su za njihovo obavljanje potrebna posebna znanja ili primjena znanstvenih metoda.

Službena osoba koja obavlja nadzor poslovanja dužna je prije započinjanja pregleda uručiti odgovornoj osobi, kod koje se obavlja nadzor, pisano ovlaštenje iz stavka 1. ovoga članka.

Članak 14.d

Nadzor poslovanja obavlja se u slučaju kada se, na temelju podataka i dokumentacije s kojom Komisija raspolaže ili koju je pribavila, ne mogu utvrditi sve činjenice značajne za konkretni slučaj, te u slučajevima određenim propisom Komisije i slučajevima obavljanja nadzora po inicijativi pravnih ili fizičkih osoba, radi zaštite njihovih prava i interesa.

Prilikom obavljanja nadzora poslovanja službena osoba Komisije ovlaštena je: pregledati poslovnu dokumentaciju, poslovne knjige, druge isprave i računarske zapise koji mogu dati uvid u poslovanje sa vrijednosnim papirima i druge poslove iz ovoga i drugih zakona koje Komisija nadzire, zatražiti računarske baze podataka, ispis podataka iz računara, izradu i dostavu financijskih i drugih izvješća, te zatražiti pisana i usmena očitovanja pravnih osoba i zaposlenika pravnih osoba nad kojima obavlja nadzor.

Članak 14.e

Kada Komisija pri obavljanju nadzora emisije vrijednosnih papira ustvrdi nepravilnosti, odnosno da je postupano suprotno odredbama zakona i propisima Komisije o emisiji vrijednosnih papira, a te se nepravilnosti mogu otkloniti, naložit će emitentu da te nepravilnosti otkloni, odrediti rok za otklanjanje nedostataka i obustaviti emisiju u roku koji je određen za otklanjanje nedostataka. Za vrijeme obustave emisije ne teku rokovi vezani za emisiju, niti se može obavljati upis i uplata vrijednosnih papira.

Ako emitent ne otkloni nedostatke u ostavljenom roku ili je riječ o nedostacima koji se ne mogu otkloniti, Komisija će donijeti rješenje o poništenju emisije s posljedicama koje proizlaze za neuspješnu emisiju, sukladno zakonu koji regulira emisiju i promet vrijednosnim papirima.

Rješenje o obustavi i poništenju emisije dostavlja se registarskom sudu za emitenta i Registru vrijednosnih papira.

Članak 14.f

Komisija obavlja nadzor nad profesionalnim posrednicima u svezi s poslovima koje obavljaju u prometu vrijednosnim papirima.

Komisija može profesionalnom posredniku izreći slijedeće mjere: naložiti otklanjanje utvrđenih nepravilnosti u određenom roku, obustaviti djelomično ili u cijelosti dozvolu i ukinuti

dozvolu za obavljanje poslova profesionalnog posredovanja u prometu vrijednosnim papirima.

Članak 14.g

Ako Komisija u obavljanju nadzora ustvrdi da burza u svome poslovanju postupi suprotno odredbama zakona i propisima Komisije o prometu vrijednosnim papirima ili ako je to potrebno radi neometanog funkcioniranja tržišta kapitala, može izreći slijedeće mjere: privremeno obustaviti promet sa svim ili određenim vrijednosnim papirima, naložiti izmjene ili dopune statuta, pravila ili drugih općih akata burze.

Ukoliko burza ne postupi sukladno nalogu Komisije iz stavka 1. ovoga članka, Komisija može pokrenuti postupak kod nadležnog suda za prestanak burze i brisanje iz sudskog registra."

Članak 8.

U članku 16.b. stavak 1. točka 2. briše se.

Članak 9.

Iza članka 17. dopisati novi članak 17.a. koji glasi:

"Članak 17.a

Predsjednik, zamjenik predsjednika, članovi Komisije i zaposleni u Komisiji, te osobe koje obavljaju poslove po nalogu Komisije, ne mogu biti gonjeni za kaznena djela, niti se smatrati odgovornim u građansko-pravnom postupku za bilo koje radnje koje su učinili u dobroj vjeri tijekom izvršenja zadataka iz okvira svojih ovlasti.

Komisija će obešteti svoje zaposlenike u pravnim postupcima pokrenutim protiv zaposlenika za radnje koje su obavili u dobroj vjeri tijekom izvršavanja svojih dužnosti i u okviru svojih ovlasti."

Članak 10.

U članku 19. st. 1. i 2. se mijenja i glase:

"Komisija se financira od prihoda od naknada i prostožbi ostvarenih iz djelatnosti Komisije, sukladno financijskom planu Komisije i odluci Komisije.

Višak prihoda ostvarenih iz djelatnosti Komisije u odnosu na troškove prenosi se u iduću godinu."

Članak 11.

U članku 20. riječi: "14. stavak 2." zamjenjuju se riječima: "12. stavak 1. točka 1.".

Iza stavka 1. dopisati novi stavak 2. koji glasi:

"Za prekršaje iz stavka 1. ovoga članka, u naročito teškim slučajevima, može se izreći novčana kazna najviše do dvadesetostrukog iznosa učinjene štete, neizvršene obveze ili vrijednosti robe ili druge stvari koja je predmet prekršaja."

Članak 12.

U članku 21. stavak 1. riječi: "stavkom 2. članka 14." zamjenjuju se riječima: "člankom 12. stavak 1. točka 1.", a iza riječi "zakona" upisati zarez i dopisati riječi: "izuzev Federacije, kantona-županije općine i njihovih organa".

Iza stavka 2. dopisati novi stavak 3. koji glasi:

"Za gospodarski prijestup iz stavka 1. ovoga članka, u naročito teškim slučajevima, može se izreći novčana kazna najviše do dvadesetostrukog iznosa učinjene štete, neizvršene obveze, ili vrijednosti robe ili druge stvari koja je predmet gospodarskog prijestupa."

Članak 13.

Članak 22. se briše.

Članak 14.

Ovlašćuju se zakonodavno-pravna povjerenstva oba doma Parlamenta Federacije da utvrde prečišćeni tekst Zakona.

Članak 15.

Ovaj Zakon stupa na snagu narednog dana od dana objave u "Službenim novinama Federacije BiH".

Predsjedatelj
Doma naroda
Parlamenta Federacije BiH
Slavko Matić, v. r.

Predsjedatelj
Zastupničkog doma
Parlamenta Federacije BiH
Muhamed Ibrahimović, v. r.

На основу члана IV Б.7. а) (IV) Устава Федерације Босне и Херцеговине, доносим

УКАЗ

О ПРОГЛАШЕЊУ ЗАКОНА О ИЗМЈЕНАМА И ДОПУНАМА ЗАКОНА О КОМИСИЈИ ЗА ВРИЈЕДНОСНЕ ПАПИРЕ

Проглашава се Закон о измјенама и допунама Закона о Комисији за вриједносне папире који је донио Парламент Федерације БиХ на сједници Представничког дома од 27. априла 2004. године и на сједници Дома народа од 19. маја 2004. године.

Број 01-542/04
7. јуна 2004. године
Сарајево

Предсједник
Нико Лозанчић, с. р.

ЗАКОН

О ИЗМЈЕНАМА И ДОПУНАМА ЗАКОНА О КОМИСИЈИ ЗА ВРИЈЕДНОСНЕ ПАПИРЕ

Члан 1.

У Закону о Комисији за вриједносне папире ("Службене новине Федерације БиХ", бр. 39/98 и 36/99) у члану 2. дописују се нови ст. 3., 4. и 5. који гласе:

"Комисији за свој рад одговара Парламенту Федерације Босне и Херцеговине (у даљем тексту: Парламент Федерације).

Комисија подноси Парламенту Федерације на потврду годишњи финансијски план.

Уз годишњи финансијски план Комисија подноси Парламенту Федерације годишњи извјештај о раду за претходну годину."

Члан 2.

У члану 5. став 6. се брише.

Члан 3.

У члану 6. ријечи: "у прва два мандата" замјењују се ријечима: "најмање у једном мандату".

Члан 4.

У члану 7. дописује се нови став 2. који гласи:

"Чланови Комисије, изузев иностраног стручњака, врше своје дужности, права и обавезе на основу радног односа на неодређено вријеме у Комисији са пуним радним временом у складу са законом који регулише радни однос."

Члан 5.

У члану 12. тачка 1. на крају текста умјесто знака интерпункције тачка-запета уписује се запета и дописују ријечи: "као и за вршење других њених овлаштења и одговорности, на начин и у року који одреди".

Тачка 13. мијења се и гласи:

"13) прописује услове и поступак и издаје дозволе за послове професионалног посредовања у промету вриједносним папирима, те упозорава, обуставља дјелимично или у потпуности и укида ове дозволе, уколико се професионално посредовање у промету вриједносним папирима врши супротно закону и прописима Комисије;"

Иза става 1. додаје се нови став 2. који гласи:

"Комисија може покренути грађанскоправне поступке ради поништавања правних послова којима се крше прописи из области тржишта капитала и аката којима се крше прописи о управљању дионичарским друштвима."

Члан 6.

Члан 13. мијења се и гласи:

"Комисија за извршавање овлаштења и одговорности утврђених одредбама чл. 11. и 12. овог закона и одредбама других закона, доноси опште акте (правилнике, упутства, наредбе и одлуке) и појединачне акте (рјешења и закључке).

На поступање Комисије одговарајуће се примјењују одредбе Закона о управном поступку ("Службене новине Федерације БиХ", бр. 2/98 и 48/99), ако овим законом, законима којима се уређују надлежности Комисије и прописима Комисије није другачије одређено."

Члан 7.

Иза члана 14. дописују се нови чл. 14.а - 14.г који гласе:

"Члан 14.а

Надзору Комисије подлијежу емитенти вриједносних папира, правна и друга лица овлаштена за пословање са вриједносним папирима и лица која врше друге послове у вези са вриједносним папирима у вези са емисијом и прометом вриједносних папирима у складу са овим и другим законима, као и правна и друга лица у вези са примјеном стандарда управљања дионичарским друштвима (у даљем тексту: субјект надзора).

Код вршења надзора над субјектом надзора, којем је Комисија издала дозволу на основу закона, може се извршити и надзор лица повезаних са субјектом надзора, ако је то потребно ради потпуног надзора пословања субјекта надзора којем је Комисија издала дозволу.

Комисија, у складу са законом, посебним прописом ближе уређује начин вршења надзора.

Члан 14.б

У оквиру надзора над субјектом надзора Комисија врши:

- увид, преглед, провјеру и анализу информација, извјештаја и документације коју јој они достављају на основу закона и других прописа;
- преглед пословања и обављања дјелатности у просторијама субјекта надзора (у даљем тексту: надзор пословања);
- друга овлаштења на основу закона и других прописа.

Уколико се надзор врши по иницијативи правних или физичких лица, ради заштите њихових права и интереса, Комисија је дужна да их, после окончања надзора, писано обавијести о томе шта је предузела.

Члан 14.ц

Надзор пословања код субјекта надзора, у оквиру надлежности Комисије, врше службена лица Комисије, на основу писаног овлаштења предсједника Комисије за сваки надзор посебно. Изузетно, предсједник Комисије може да овласти и друга лица да, заједно са службеним лицима Комисије, изврше надзор када је то потребно због сложености надзора. За вршење одређених стручних послова код надзора пословања субјекта надзора (експертизе, испитивања и сл.) предсједник Комисије може овластити и друштво, установу или друга лица, ако су за њихово обављање вршење потребна посебна знања или примјена научних метода.

Службено лице које врши надзор пословања дужно је да, прије започињања прегледа, уручи одговорном лицу код којег се врши надзор писано овлаштење из става 1. овог члана.

Члан 14.д

Надзор пословања врши се у случају кад се, на основу податка и документације са којом Комисија располаже или коју је прибавила, не могу утврдити све чињенице значајне за конкретни случај, као и у случајевима одређеним прописом Комисије и у случајевима вршења надзора по иницијативи правних или физичких лица, ради заштите њихових права и интереса.

Приликом вршења надзора пословања службено лице Комисије овлаштено је да: прегледа пословну документацију, пословне књиге, друге документе и компјутерске записе који могу дати увид у пословање са вриједносним папирима и друге послове из овог и других закона које Комисија надзире, затражити компјутерске базе података, испис података из компјутера, израду и доставу финансијских и других извјештаја, те затражити писана и усмена изјашњавања правних лица и запосленика правних лица над којима врши надзор.

Члан 14.е

Када Комисија при вршењу надзора емисије вриједносних папира утврди неправилности, односно да је поступано супротно одредбама закона и прописима Комисије о емисији вриједносних папира, а те неправилности се могу отклонити, наредиће емитенту да те неправилности отклони, одредити рок за отклањање недостатака и обуставити емисију у року који је одређен за отклањање недостатака. За вријеме обуставе емисије не теку рокови везани за емисију, нити се може вршити упис и уплата вриједносних папира.

Ако емитент не отклони недостатке у остављеном року или се ради о недостацима који се не могу отклонити, Комисија ће

донијети рјешење о поништењу емисије са посљедицама које произилазе за неуспјешну емисију, у складу са законом који регулише емисију и промет вриједносним папирима.

Рјешење о обустављању и поништењу емисије доставља се регистарском суду за емитента и Регистру вриједносних папира.

Члан 14.ф

Комисија врши надзор над професионалним посредницима у вези са пословима које обављају у промету вриједносним папирима.

Комисија може професионалном посреднику изрећи следеће мјере: наредити отклањање утврђених неправилности у одређеном року, обуставити дјелимично или у потпуности дозволу и укинути дозволу за обављање послова професионалног посредовања у промету вриједносним папирима.

Члан 14.г

Ако Комисија у вршењу надзора утврди да берза у свом пословању поступа супротно одредбама закона и прописима Комисије о промету вриједносним папирима или ако је то потребно ради неометаног функционисања тржишта капитала, може изрећи следеће мјере: привремено обуставити промет са свим или одређеним вриједносним папирима, наредити измјене или допуне статута, правила или других општих аката берзе.

Уколико берза не поступи у складу са наредбом Комисије из става 1. овог члана, Комисије може покренути поступак код надлежног суда за престанак берзе и брисање из судског регистра."

Члан 8.

У члану 16.б став 1. тачка 6. брише се.

Члан 9.

Иза члана 17. дописује се нови члан 17.а, који гласи:

"Члан 17.а

Председник, замјеник председника, чланови Комисије и запослени у Комисији, као и лица која обављају послове по налогу Комисије, не могу бити гоњени за кривична дјела, нити се сматрати одговорним у грађанско-правном поступку за било које радње које су извршили с добром намјером, у току извршења задатака из оквира својих овлашћења.

Комисија ће обештетити своје запосленике у правним поступцима покренутим против запосленика за радње које су учинили с добром намјером, у току извршавања својих дужности и у оквиру својих овлашћења."

Члан 10.

У члану 19. ст. 1. и 2. мијењају се и гласе:

"Комисија се финансира од прихода, од накнада и такси остварених из дјелатности Комисије, у складу са финансијским планом Комисије и одлуком Комисије.

Вишак прихода остварених из дјелатности Комисије у односу на трошкове преноси се у наредну годину."

Члан 11.

У члану 20. ријечи: "14. став 2." замјењују се ријечима: "12. став 1. тачка 1."

Иза става 1. дописује се нови став 2. који гласи:

"За прекршаје из става 1. овог члана, у нарочито тешким случајевима, може се изрећи новчана казна највише до двадесетоструког износа причињене штете, неизвршене обавезе, или вриједности робе или друге ствари која је предмет прекршаја."

Члан 12.

У члану 21. у ставу 1. ријечи: "ставом 2. члана 14." замјењују се ријечима: "чланом 12. став 1. тачка 1.", а иза ријечи "закон" уписује се запета и додају ријечи: "изузев Федерације, кантона и општине и њихових органа".

Иза става 2. дописује се нови став 3. који гласи:

"За привредни преступ из става 1. овог члана, у нарочито тешким случајевима, може се изрећи новчана казна највише до двадесетоструког износа причињене штете, неизвршене обавезе, или вриједности робе или друге ствари која је предмет привредног преступа."

Члан 13.

Члан 22. брише се.

Члан 14.

Овлаштавају се законодавно-правне комисије оба дома Парламента Федерације да утврде преочишћени текст Закона.

Члан 15.

Овај закон ступа на снагу наредног дана од дана објављивања у "Службеним новинама Федерације БиХ".

Председавајући
Дома народа
Парламента Федерације БиХ
Славко Матић, с. р.

Председавајући
Представничког дома
Парламента Федерације БиХ
Мухамед Ибрахимовић, с. р.

Na osnovu člana IV B.7. a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O IZMJENAMA I DOPUNAMA ZAKONA O KOMISIJI ZA VRIJEDNOSNE PAPIRE

Proglašava se Zakon o izmjenama i dopunama Zakona o Komisiji za vrijednosne papire koji je donio Parlament Federacije BiH na sjednici Predstavničkog doma od 27. aprila 2004. godine i na sjednici Doma naroda od 19. maja 2004. godine.

Broj 01-542/04
7. juna 2004. godine
Sarajevo

Predsjednik
Niko Lozančić, с. r.

ZAKON

O IZMJENAMA I DOPUNAMA ZAKONA O KOMISIJI ZA VRIJEDNOSNE PAPIRE

Члан 1.

U Zakonu o Komisiji za vrijednosne papire ("Službene novine Federacije BiH", br. 39/98 i 36/99) u članu 2. dodaju se novi st. 3., 4. i 5. koji glase:

"Komisiji za svoj rad odgovara Parlamentu Federacije Bosne i Hercegovine (u daljem tekstu: Parlament Federacije).

Komisija podnosi Parlamentu Federacije na potvrdu godišnji finansijski plan.

Uz godišnji finansijski plan Komisija podnosi Parlamentu Federacije godišnji izvještaj o radu za prethodnu godinu."

Члан 2.

U članu 5. stav 6. se briše.

Члан 3.

U članu 6. riječi: "u prva dva mandata" zamjenjuju se riječima: "najmanje u jednom mandatu".

Члан 4.

U članu 7. dodaje se novi stav 2. koji glasi:

"Članovi Komisije, izuzev inozmenog stručnjaka, vrše svoje dužnosti, prava i obaveze na osnovu radnog odnosa na neodređeno vrijeme u Komisiji sa punim radnim vremenom u skladu sa zakonom koji regulira radni odnos."

Члан 5.

U članu 12. u tački 1. na kraju umjesto tačke-zareza piše se zarez i dodaju riječi: "kao i za vršenje drugih njenih ovlaštenja i odgovorosti, na način i u roku koji odredi".

Tačka 13. mijenja se i glasi:

"13) propisuje uvjete i postupak i izdaje dozvole za poslove profesionalnog posredovanja u prometu vrijednosnim papirima, te upozorava, obustavlja djelimično ili u cjelosti i ukida ove dozvole, ukoliko se profesionalno posredovanje u prometu vrijednosnim papirima vrši protivno zakonu i propisima Komisije;"

Iza stava 1. dodaje se novi stav 2. koji glasi:

"Komisija može pokrenuti građanskopravne postupke radi poništenja pravnih poslova kojima se krše propisi iz oblasti tržišta kapitala i akata kojima se krše propisi o upravljanju dioničkim društvima."

Члан 6.

Члан 13. mijenja se i glasi:

"Komisija za izvršavanje ovlaštenja i odgovornosti utvrđenih odredbama čl. 11. i 12. ovog Zakona i odredbama drugih zakona, donosi opće akte (pravilnike, uputstva, naredbe i odluke) i pojedinačne akte (rješenja i zaključke).

Na postupanje Komisije odgovarajuće se primjenjuju odredbe Zakona o upravnom postupku ("Službene novine Federacije BiH", br. 2/98 i 48/99), ako ovim Zakonom, zakonima kojima se uređuju nadležnosti Komisije i propisima Komisije nije drugačije određeno."

Član 7.

Iza člana 14. dodaju se novi čl. od 14.a do 14.g koji glase:

"Član 14.a

Nadzoru Komisije podliježu emitenti vrijednosnih papira, pravna i druga lica ovlaštena za poslovanje sa vrijednosnim papirima i lica koja vrše druge poslove u vezi sa vrijednosnim papirima u vezi sa emisijom i prometu vrijednosnim papirima u skladu sa ovim i drugim zakonima, kao i pravna i druga lica u vezi sa primjenom standarda upravljanja dioničkim društvima (u daljem tekstu: subjekt nadzora).

Kod vršenja nadzora nad subjektom nadzora kojem je Komisija izdala dozvolu na osnovu zakona može se izvršiti i nadzor lica povezanih sa subjektom nadzora, ako je to potrebno radi potpunog nadzora poslovanja subjekta nadzora kojem je Komisija izdala dozvolu.

Komisija u skladu sa zakonom, posebnim propisom bliže uređuje način vršenja nadzora.

Član 14.b

U sklopu nadzora nad subjektom nadzora Komisija vrši:

- uvid, pregled, provjeru i analizu informacija, izvještaja i dokumentacije koju joj on dostavlja na osnovu zakona i drugih propisa;
- pregled poslovanja i vršenja djelatnosti u prostorijama subjekta nadzora (u daljem tekstu: nadzor poslovanja);
- druga ovlaštenja na osnovu zakona i drugih propisa.

Ukoliko se nadzor vrši po inicijativi pravnih ili fizičkih lica, radi zaštite njihovih prava i interesa, Komisija je dužna, nakon okončanja nadzora, pisano ih obavijestiti o tome šta je preduzela.

Član 14.c

Nadzor poslovanja kod subjekta nadzora, u okviru nadležnosti Komisije, vrše službena lica Komisije na osnovu pisanog ovlaštenja predsjednika Komisije za svaki nadzor posebno. Izuzetno, predsjednik Komisije može ovlastiti i druga lica da zajedno sa službenim licima Komisije izvrše nadzor kada je to potrebno zbog složenosti nadzora. Za vršenje određenih stručnih poslova kod nadzora poslovanja subjekta nadzora (ekspertize, ispitivanja i sl.) predsjednik Komisije može ovlastiti i društvo, ustanovu ili druga lica, ako su za njihovo vršenje potrebna posebna znanja ili primjena naučnih metoda.

Službeno lice koje vrši nadzor poslovanja dužno je prije započinjanja pregleda uručiti odgovornom licu kod kojeg se vrši nadzor pisano ovlaštenje iz stava 1. ovog člana.

Član 14.d

Nadzor poslovanja vrši se u slučaju kad se na osnovu podatka i dokumentacije sa kojom Komisija raspolaže ili koju pribavlja ne mogu utvrditi sve činjenice značajne za konkretni slučaj, kao i u slučajevima određenim propisom Komisije i slučajevima vršenja nadzora po inicijativi pravnih ili fizičkih lica radi zaštite njihovih prava i interesa.

Prilikom vršenja nadzora poslovanja službeno lice Komisije ovlašteno je da: pregleda poslovnu dokumentaciju, poslovne knjige, druge isprave i računarske zapise koji mogu dati uvid u poslovanje sa vrijednosnim papirima i druge poslove iz ovog i drugih zakona koje Komisija nadzire, zatražiti računarske baze podataka, ispis podataka iz računara, izradu i dostavu finansijskih i drugih izvještaja, te zatražiti pisana i usmena izjašnjenja pravnih lica i zaposlenika pravnih lica nad kojima vrši nadzor.

Član 14.e

Kada Komisija pri vršenju nadzora emisije vrijednosnih papira utvrdi nepravilnosti, odnosno da je postupano suprotno odredbama zakona i propisima Komisije o emisiji vrijednosnih papira, a te nepravilnosti se mogu otkloniti, naložit će emitentu

da te nepravilnosti otkloni, odrediti rok za otklanjanje nedostataka i obustaviti emisiju za vrijeme koje je određeno za otklanjanje nedostataka. Za vrijeme obustave emisije ne teku rokovi vezani za emisiju, niti se može vršiti upis i uplata vrijednosnih papira.

Ako emitent ne otkloni nedostatke u ostavljenom roku ili se radi o nedostacima koji se ne mogu otkloniti, Komisija će donijeti rješenje o poništenju emisije sa posljedicama koje proizilaze za neuspješnu emisiju, u skladu sa zakonom koji regulira emisiju i promet vrijednosnim papirima.

Rješenje o obustavljanju i poništenju emisije dostavlja se registarskom sudu za emitenta i Registru vrijednosnih papira.

Član 14.f

Komisija vrši nadzor nad profesionalnim posrednicima u vezi sa poslovima koje obavljaju u prometu vrijednosnim papirima.

Komisija može profesionalnom posredniku izreći sljedeće mjere: naložiti otklanjanje utvrđenih nepravilnosti u određenom roku, obustaviti djelimično ili u cjelosti dozvolu i ukinuti dozvolu za vršenje poslova profesionalnog posredovanja u prometu vrijednosnim papirima.

Član 14.g

Ako Komisija u vršenju nadzora utvrdi da berza u svom poslovanju postupi suprotno odredbama zakona i propisima Komisije o prometu vrijednosnim papirima ili ako je to potrebno radi neometanog funkcioniranja tržišta kapitala, može izreći sljedeće mjere: privremeno obustaviti promet sa svim ili određenim vrijednosnim papirima, naložiti izmjene ili dopune statuta, pravila ili drugih općih akata berze.

Ukoliko berza ne postupi u skladu sa nalogom Komisije iz stava 1. ovog člana, Komisije može pokrenuti postupak kod nadležnog suda za prestanak berze i brisanje iz sudskog registra."

Član 8.

U članu 16.b u stavu 1. tačka 2. se briše.

Član 9.

Iza člana 17. dodaje se novi član 17.a, koji glasi:

"Član 17.a

Predsjednik, zamjenik predsjednika, članovi Komisije i zaposleni u Komisiji, kao i lica koja obavljaju poslove po nalogu Komisije ne mogu biti gonjeni za krivična djela, niti se smatrati odgovornim u građansko-pravnom postupku za bilo koje radnje koje su izvršili u dobroj vjeri u toku izvršenja zadataka iz okvira svojih ovlaštenja.

Komisija će obešteti svoje zaposlenike u pravnim postupcima pokrenutim protiv zaposlenika za radnje koje su obavili u dobroj vjeri u toku izvršavanja svojih dužnosti i u okviru svojih ovlaštenja."

Član 10.

U članu 19. st. 1. i 2. se mijenjaju i glase:

"Komisija se finansira od prihoda od naknada i taksi ostvarenih iz djelatnosti Komisije, u skladu sa finansijskim planom Komisije i odlukom Komisije.

Višak prihoda ostvarenih iz djelatnosti Komisije u odnosu na troškove prenosi se u iduću godinu."

Član 11.

U članu 20. riječi: "14. stav 2." zamjenjuju se riječima: "12. stav 1. tačka 1."

Iza stava 1. dodaje se novi stav 2. koji glasi:

"Za prekršaje iz stava 1. ovog člana, u naročito teškim slučajevima, može se izreći novčana kazna najviše do dvadesetostrukog iznosa pričinjene štete, neizvršene obaveze, ili vrijednosti robe ili druge stvari koja je predmet prekršaja."

Član 12.

U članu 21. u stavu 1. riječi: "stavom 2. člana 14." zamjenjuju se riječima: "članom 12. stav 1. tačka 1.", a iza riječi "zakona" piše se zarez i dodaju riječi: "izuzev Federacije, kantona i općine i njihovih organa".

Iza stava 2. dodaje se novi stav 3. koji glasi:

"Za privredni prijestup iz stava 1. ovog člana, u naročito teškim slučajevima, može se izreći novčana kazna najviše do dvadesetostrukog iznosa pričinjene štete, neizvršene obaveze, ili

vrijednosti robe ili druge stvari koja je predmet privrednog prijestupa."

Član 13.

Član 22. se briše.

Član 14.

Ovlašćuju se zakonodavno-pravne komisije oba doma Parlamenta Federacije da utvrde prečišćeni tekst Zakona.

Član 15.

Ovaj Zakon stupa na snagu narednog dana od dana objavljivanja u "Službenim novinama Federacije BiH".

Predsjedavajući Doma naroda Parlamenta Federacije BiH Slavko Matić, s. r.	Predsjedavajući Predstavničkog doma Parlamenta Federacije BiH Muhamed Ibrahimović, s. r.
--	---

296

Na temelju članka IV B.7. a) (IV) Ustava Federacije Bosne i Hercegovine, donosim

UKAZ

O PROGLAŠENJU ZAKONA O PRAVIMA BRANITELJA I ČLANOVA NJIHOVIH OBITELJI

Progllašava se Zakon o pravima branitelja i članova njihovih obitelji koji je donio Parlament Federacije BiH na sjednici Zastupničkog doma od 5. svibnja 2004. godine i na sjednici Doma naroda od 6. lipnja 2004. godine.

Broj 01-578/04
11. lipnja 2004. godine
Sarajevo

Predsjednik
Niko Lozančić, v.r.

ZAKON

O PRAVIMA BRANITELJA I ČLANOVA NJIHOVIH OBITELJI

I - TEMELJNE ODREDBE

Članak 1.

Ovim Zakonom uređuju se: uvjeti, način i postupak za ostvarivanje prava ratnih vojnih invalida i članova njihovih obitelji, članova obitelji poginulih, umrlih i nestalih branitelja domovine (u daljnjem tekstu: obitelji poginulih, umrlih, nestalih branitelja) i demobiliziranih branitelja, osoba zaslužnih u domovinskom ratu, te druga pitanja iz područja braniteljsko-invalidske zaštite.

Članak 2.

Braniteljem, u smislu ovoga Zakona, smatra se pripadnik Armije Republike Bosne i Hercegovine, Hrvatskog vijeća obrane i policije nadležnog tijela unutarnjih poslova (u daljnjem tekstu: Oružane snage) koji je sudjelovao u obrani Bosne i Hercegovine (početak agresije na općinu Ravno) od 18.09.1991. do 23.12.1996. godine, odnosno do prestanka izravne ratne opasnosti i koji je demobiliziran rješenjem nadležnoga vojnog tijela, te osoba koja je sudjelovala u pripremi za obranu i u obrani Bosne i Hercegovine u vremenu prije 18.09.1991. godine, a koja je angažirana od nadležnih tijela.

Pod sudjelovanjem u obrani Bosne i Hercegovine, u smislu stavka 1. ovoga članka, podrazumijeva se sudjelovanje u oružanom otporu i djelovanje u izravnoj svezi s pružanjem otpora.

Dragovoljcem i organizatorom otpora, u smislu ovoga Zakona, smatra se pripadnik vojnih postrojbi koji je sudjelovao u pripremi za obranu i u obrani Bosne i Hercegovine, u vremenu od 19.06.1992. godine, te druga osoba koja nije bila vojni obveznik u vrijeme dragovoljnog stupanja u Oružane snage i ostala neprekidno u postrojbama do kraja rata, ilijeranije demobilizirana od nadležnoga vojnog tijela.

Veteranom, u smislu ovoga Zakona, smatra se osoba koja je stupila u postrojbu iz stavka 1. ovoga članka od 18.09.1991. do 31.12.1992. godine i neprekidno ostala do 23.12.1995. godine, ili ranije demobilizirana od nadležnoga vojnog tijela.

Sudionikom rata, u smislu ovoga Zakona, smatra se svaka osoba koja je u sastavu Oružanih snaga iz stavka 1. ovoga članka provela najmanje jednu godinu neprekidno u razdoblju od 20.06.1992. do 23.12.1995. godine.

Pojmovi i definicije iz ovoga članka koriste se i primjenjuju prilikom reguliranja prava i pogodnosti u svim područjima i razinama vlasti koje se tiču branitelja i članova njihovih obitelji.

Članak 3.

Ratni vojni invalid je državljanin Bosne i Hercegovine koji je obavljajući vojne dužnosti, druge dužnosti za ciljeve obrane u sastavu Oružanih snaga, sudjelujući u obrani Bosne i Hercegovine u vremenu i pod uvjetima i okolnostima iz članka 2. stavak 1. ovoga Zakona, zadobio ranu, ozljedu, bolest ili pogoršanje bolesti, pa je uslijed toga nastupilo oštećenje njegova organizma najmanje za 20%.

Ratni vojni invalid je i državljanin Bosne i Hercegovine koji je na zapovijed ili po nalogu nadležnoga vojnog tijela ili organa uprave nadležnog za poslove obrane i državne sigurnosti, pod uvjetima i okolnostima iz prethodnoga stavka, zadobio ranu, ozljedu, bolest ili pogoršanje bolesti, pa je uslijed toga nastupilo oštećenje njegova organizma najmanje za 20%.

Ratni vojni invalid je i osoba koja je u vremenu i pod uvjetima i okolnostima iz st. 1. i 2. ovoga članka bila ratni zatočenik i zadobila ranu, ozljedu, bolest ili pogoršanje bolesti, pa je uslijed toga nastupilo oštećenje njegova organizma najmanje za 20%.

Ratni vojni invalid je i stranac kod kojega je nastupilo oštećenje njegova organizma pod okolnostima i uvjetima iz st. 1., 2. i 3. ovoga članka.

Mirnodopski vojni invalid je osoba koja je u miru bez namjere, obavljajući vojnu dužnost, zadobila ranu ili ozljedu, pa je uslijed toga nastupilo oštećenje njegova organizma najmanje za 20%, odnosno kod koje je uslijed bolesti ili pogoršanja bolesti nastupilo oštećenje njegova organizma najmanje za 60% u vremenu od 24.12.1996. godine i to:

- vojna osoba na služenju obveznog vojnog roka,
- pitomac u vojnoj školi,
- pripadnik pričuvnog sastava za vrijeme vojne dužnosti.

Članak 4.

Obitelj poginulog, umrlog, nestalog branitelja je obitelj osoba koja je poginula, umrla, nestala pod uvjetima i okolnostima iz čl. 2. i 3. ovoga Zakona, odnosno umrlog do 23.12.1996. godine od posljedica rane, ozljede ili bolesti zadobivene pod uvjetima i okolnostima iz članka 3. ovoga Zakona.

Obitelj poginule ili umrle osobe iz članka 3. stavak 6. ovoga Zakona ostvaruje određena prava pod uvjetima i na način koji vrijede za obitelj umrloga ratnog vojnog invalida.

Članak 5.

Propisima iz područja obrane utvrđuje se: tko se smatra pripadnikom Oružanih snaga, vojnom osobom, vojna služba, obavljanje vojne dužnosti za ciljeve obrane, te sva druga pitanja u svezi sa svojstvom i statusom pripadnika Oružanih snaga.

Članak 6.

Ako mirnodopski vojni invalid naknadno ispuni uvjete za stjecanje svojstva ratnog vojnog invalida, na temelju sudjelovanja u Oružanim snagama, stječe svojstvo ratnog vojnog invalida, a invaliditet mu se utvrđuje prema ukupnom oštećenju organizma po oba temelja.

II - PRAVA DEMOBILIZIRANIH BRANITELJA

Članak 7.

Branitelji i članovi njihovih obitelji ostvaruju druga prava, sukladno federalnim i kantonalnim propisima, koja nisu obuhvaćena ovim Zakonom i to:

1. novčanu naknadu za vrijeme nezaposlenosti;
2. prednost prilikom zapošljavanja pod jednakim uvjetima;
3. prednost prilikom zakupa i otkupa poslovnog prostora pod jednakim uvjetima;
4. prednost prilikom upisa u obrazovne ustanove pod jednakim uvjetima;
5. besplatne obvezne udžbenike za redovno školovanje;
6. prednost prilikom dodjela stipendija i smještaja u dačke i studentske domove;